


聖



春秋集傳纂例

卷六

都叙會例第十八

啖子曰凡朝聘盟會用兵皆有會例今總論之非朝聘

盟會用兵亦有列爵位之處用同此例天子大夫士雖

微亦在諸侯上尊王室也僖八年公會王人齊侯盟會

則會主為首用兵則主兵者為首不以班附庸主兵亦

唐陸淳撰



在列國上邾人鄭人伐宋是也五年隱大夫主兵則不在

諸侯上會荀偃是也襄十六年叔老會鄭伯荀餘皆以

國小大為次當時失禮故不依爵命夷狄常在中國下

義可知也齊太子光或在小國上非禮也故因書以示

譏卿未主命者曰某人而在既命者下向之會在襄十四年

齊人宋人在衛北宮括鄭公孫蠆上澶淵之會在襄二十六年

晉人在鄭良霄上非禮也故因書以示譏陳本在衛下

齊桓霸後莊十五年乃序衛上蓋齊桓以其近楚故優寵

之今來屬也杜元凱云或問曰諸侯之會先後何如答曰左氏云叔孫豹曰宋衛吾匹也又曰諸侯之會寡君

未嘗後衛君據此魯在衛上宋先代之後其國又大襄公

復曾一合諸侯則魯當次在宋下凡朝聘同時至同

行禮則列序之滕侯薛侯是也隱十一年一前一後不同行

禮則各書之穀伯鄭侯是也桓七年穀伯綏來朝鄭侯吾離來朝故穀梁

云桓言同時也謂四時累數皆至也是也凡會盟以國

為地者國主亦與會桓二年蔡侯鄭伯會于鄆襄二

十七年晉楚會於宋之類是也

夫從可知也

趙子曰凡盟會侵伐城等前已列序而又瀆重言者皆

前目後凡前目謂列序宋公鄭伯杞子之類後總言諸侯從可知也凡公再與他國

序謂已會則但言諸侯盟于首止僖五年公及齊侯云

諸侯盟于首止諸侯盟于葵丘義同首止在僖九年之類是也魯卿再與他國

序則再言其名豹及諸侯之大夫盟襄二十七年叔孫

建云云于宋辛巳豹及諸侯之大夫公則無二也不假

盟所以然者卿恐涉他日故言豹重言公鼻馳之盟再序獨言公者以盟會異處定四年三月公會劉子晉

侯于召陵侵楚五月公及諸侯盟于鼻馳即召陵諸侯也故瀆言公以審之重丘之

盟襄二十五年公會晉侯宋公云云于夷儀盟會亦異

處不言公者以言同盟並會可知也言同盟與會凡召

盟而後至則曰會盟鄆子是也僖十九年宋人曹人邾

邾名伐而後至則曰會伐單伯會伐宋是也莊十四年

會伐宋是也齊人陳人凡歸未及國而會圍則曰曹伯遂會諸

侯圍許是也僖二十八年公會晉侯云云于温時亦為

已舉諸侯故但書從省文也屈完不言會者僖四年

侯嫁公云云伐楚次本非台盟又非其君使請盟故特

于徇屈完來盟于師異其文凡非台盟而來既會乃謀盟則先言如會如師

後乃言盟袁僑襄三年公會單子晉侯公云同盟于雞澤陳侯使袁僑如會戊寅叔孫豹云云

及陳袁國佐成二年季孫行父會晉郟克云云及齊侯戰于鞏齊師敗績齊侯使國佐如師已酉

及國佐盟于袁凡他國自盟會多不書卿名唯昭二十

七年晉士鞅宋樂祁犇衛北宮喜曹人邾人滕人會于

扈定十年冬齊侯衛侯鄭游速會會于安甫書名餘皆不

書謂告辭例不具其名于扈會于納公昭故獨具安甫

則不詳其事迹三傳俱無事迹然則外盟會不書卿名者乃是

其常而左氏妄為義說左氏見外盟會書人者多言貶何不尋前後大

例乎征伐會盟自僖公以前諸國卿書名者至少文公

之後則多也成公之後齊晉宋衛陳蔡鄭七國唯三兩

會書人餘並書卿名蓋東周之初諸國皆不請命及霸

者漸興則多請命以爭長又遠事難詳或有遺落所謂

傳聞異辭也文宣間三十年中經書人者多矣左氏言

其名氏而言貶之以地時雖有此類不書為義說夫子

豈於此時徧賤諸卿又賤之而不名是隱其惡也何名
賤乎凡魯與一兩國盟及用兵而言及者乃是魯為之
主說在若諸國大會而盟及言兵悉是盟主所名故往
就之非魯起意故悉不言及唯僖四年云及江人黃人
代陳是齊所命以伐我及江黃人同行耳非魯主也據
上言齊人執轅濤塗義即可知又僖五年公及齊侯宋
公會王世子于首止尊王世子齊不敢為會主故不言
會齊侯而言及也並變例外凡諸侯自盟及侵伐皆以

以謀主居首義即可知無會及之異唯三十三年晉人
及姜戎敗秦師于散者衍及字耳僖三十三年衛人及
狄盟緣就狄國中不可言衛人盟于狄故也凡魯會盟
主之盟謂大會也若於會日便盟者即但云某日公會某侯
盟于某若既行會禮別日又集而盟則書日以隔之以
明會後更盟也文十四年公會宋公云云與他國戰亦

然凡戰伐例書曰若不行會禮但合戰則云某日會某
及某戰成二年筆戰是也若先行會禮別日合戰則
書日以隔之桓十三年公會紀鄭及齊戰是也若魯與他國同侵伐不行會禮

而便侵伐者則但言會某伐某桓十六年公會宋若成

會禮而後往伐則書曰會于某伐某桓十五年公會宋

之類此並畧舉大綱以示常例但文異者即皆有義各

自見本傳矣

軍旅例第十九

桓六年秋八月壬午大閱三傳並云閱兵車也穀梁

莊八年春甲午治兵穀梁云治兵而陳蔡不夏師及

齊師圍郕郕降于齊師秋師還以告廟故書三

十一年六月齊侯來獻戎捷當為齊

僖二十一年冬楚人使宜申來獻捷左氏云諸侯不

云貶楚子詐宋故稱人同上年上

成元年三月作丘甲穀梁云甲非人人之所

襄十一年春王正月作三軍公穀皆云

昭五年正月舍中軍譏作舍

啖子曰凡軍旅之事國之所以安危也故紀其善否焉

統論書軍觀民以定賦賦不過量賦以制用於是經之

以文董之以武使文足以經綸武足以禦寇故靜而自保則為禮樂之邦動而救亂則為仁義之師是以天子六軍軍六師也萬二千五百人為軍二千五百人為師傳或稱六軍或六師蓋六卿分管為名人數不必常大國三之一謂置三軍小國半大國謂一軍也數不必常所以示稱也言軍數與人力相稱因蒐狩以訓之習武也有事則聚之無事則散之今政死民困而增虛名以奉私欲危亡之道也譏作三軍

蒐狩例第二十

昭八年秋蒐于紅非時也十一年夏大蒐于比蒲

二十二年春大蒐于昌閭間

定十三年夏大蒐于比蒲十四年秋大蒐于比蒲

已上譏失禮而大為之

啖子曰蒐閱車馬逐田臘示威武也公羊曰蒐簡車徒是也蒐狩合禮者常事不書非時及越禮而為之則書以示譏也或曰言春包今之正月言夏包今之二月三月皆不失時也書春秋者非時也

桓四年春正月公狩于郎公羊云

莊四年冬公及齊人狩于郕與鄰國臣狩非禮也况仇國乎

僖二十八年冬天王狩于河陽為晉文避名也三傳意同書

哀十四年春西狩獲麟麟西狩常事為麟故書之

趙子曰四時之田其事各殊其名亦異春以閱武擇材

故以蒐為稱夏以為苗除害故以苗為名秋則順天時

以殺物故以獮為義冬則因守禽獸以習戰故以狩為

目左氏曰春蒐夏苗秋獮冬狩是也周禮爾雅並同此說公羊則曰春曰

苗秋曰蒐秋曰狩穀梁則曰春曰田夏曰苗秋曰蒐冬曰狩公羊穀梁冬狩秋蒐並

同而苗則公羊在春穀梁在夏公羊則夏時無民穀梁

則春曰田田者四時獮之總名不當專在於春故非也

公羊之義夏時務農不苗然則自非警急及有獸害苗

則不苗也

賦稅例第二十一

宣十五年秋初稅畝公羊云譏履畝而稅之也

成元年三月作丘甲公羊云唯工人解作甲使立作甲非也

哀十二年春用田賦

以田多少出軍賦也

趙子曰賦稅者國之所以治亂也故志之

統論書賦之意 民

國之本也取之甚則流亡國必危矣故君子慎之者慎

賦稅

興作例第二十二

城及築

臺圍五城邑二十四

隱七年夏城中丘

九年夏城郎

桓五年夏城祝丘

十六年冬城向

莊元年秋築王姬之館于外 二十八年冬築鄒

二十九年冬城諸及防 三十一年春築臺于薛

冬築臺于秦 三十二年春城小穀 在它在國例

僖二年春城楚丘 在它在國例

文七年春城郟 十二年冬季孫行父城諸及郟

宣八年冬城平陽

成四年冬城郟 九年冬城中城 十八年秋築鹿

圍

襄七年夏城費 十三年冬城防 十五年夏季孫

宿叔孫豹帥師城成郛 十九年冬城西郛城武

城

昭九年冬築郎囿

定六年冬城中城 十三年夏築蛇淵囿 十四年

冬城莒父及霄 十五年冬城漆

哀三年夏季孫斯叔孫州仇帥師城啓陽有晉難也 四

年夏城西郛 五年春城毗 六年春城郟瑕

雜興作七

莊九年冬浚洙 二十九年春新延廡

僖二十年春新作南門左氏云不時穀梁云譏如其度

文十六年秋毀泉臺公羊云先祖為之已毀之不如勿居而已

定二年冬十月新作雉門及兩觀 十二年夏叔孫

州仇帥師墮郛義見下文季孫斯仲孫何忌帥師墮費

公羊云夫子之謀又云墮正也

啖子曰凡土功皆當以農隙之時若有難亦有非時城

者非得禮也穀梁云凡城之志皆譏也此說非也凡城國之急也但問時與不時不應一切是譏浚洙作兩觀延廡之後類皆當從土功之時王姬之館非非常不論不時也新作南門左氏云不時也凡啓塞從時謂作門戶為啓當用春分以後城郭為塞當用秋分以後順天時以開閉也延廡莊二十九年春又曰不時也凡馬日中而出日中而入謂春分秋分亦言馬春分入廡秋分出牧縱馬合依時出入新廡何妨用農隙之時既非開閉之物又何象

乎故皆不用此義墮費及郕毀泉臺亦以非常書毀全除之也墮但損之今不用兩城與築義見凡例篇

城他國

莊三十二年春城小穀

左氏云為管仲城之不繫齊非為齊也說具本傳註中

僖元年夏六月齊師宋師曹師城邢

來告故書 二年春

正月城楚丘

穀梁云楚丘衛邑也

十四年春諸

侯城緣陵

前年會鹹之諸侯不例序前目也

襄二年冬遂城虎牢

襄二十九年夏仲孫羯會晉荀盈齊高止宋華定衛世叔儀鄭公孫段曹人莒人邾人薛人小邾人城杞

昭三十二年冬仲孫何忌會晉韓不信齊高張宋仲幾衛世叔申鄭國參曹人莒人邾人杞人薛人小邾人城成周

啖子曰凡興作必書重民力也動眾則觀其時而是非皆書之昭矣書春秋夏則知非時凡外興作春秋不書關於魯及書春秋冬則知得時

來告故書之

改革例第二十三

隱五年九月考仲子之宮初獻六羽義見郊廟例

文二年八月丁卯大事於太廟躋僖公義見郊廟例

宣十五年秋初稅畝義見賦稅例

成元年三月作丘甲義見賦稅例 六月二月辛巳立武

宮義見郊廟例

襄十一年春正月作三軍義見軍旅例

昭五年正月舍中軍義見軍旅例

定元年秋立煬宮義見郊廟例

八年冬從祀先公義見郊廟

例

哀十二年春用田賦義見賦稅例

趙子曰凡變常之事皆書公穀皆云用者不宜用也用田賦是也作者不宜作也作三軍是也立者不宜立也立武宮煬宮是也凡改舊而遂以為常者則曰初稅畝及六羽是也言自此始而常行也齊僖公作三軍不言

初者暫作暫用非常行也又云法者以保邦也中才守之久而有敝况淫君邪臣從而壞之哉故草而上者比於治草而下者比於亂謂從逾制察其所草而興亡兆矣此統

論春秋中凡改革事悉書之意

慶瑞例第二十四

桓三年冬有年公羊云僅有年

宣十六年冬大有年公羊云豐年也

哀十四年春西狩獲麟

趙子曰符祥者天地所以答人也是以志之統論書符瑞之意國

有政理則神祇答之以祥驗也至凡豐年告于宗廟勤

如獲麟則孔子之應祥非為魯也見其告廟則表其憂念故書之記是以著

民而敬先也人庶尊敬祖考之心非也告廟為是故書之剛公羊云喜有年按合禮故書

以表他年之不書為怠慢此存禮以示後世豈獨為喜

我二百四十二年唯兩度書之足知他年不告廟耳不

應豐年如此之少也

災異例第二十五

日食三十

隱三年春二月己巳日有食之

桓三年秋七月壬辰朔日有食之既十七年冬十

月朔日有食之

莊十八年春王五月日有食之二十五年六月辛

未朔日有食之鼓用牲于社二十六年冬十二

月癸亥朔日有食之三十年九月庚午朔日有

食之鼓用牲于社

僖五年九月戊申朔日有食之 十二月春三月庚

午日有食之 十五年夏五月日有食之

文元年二月癸亥日有食之 十五年六月辛丑朔

日有食之鼓用牲于社

宣八年秋七月甲子日有食之既 十年夏四月丙

辰日有食之 十七年六月癸卯日有食之

成十六年六月丙寅朔日有食之 十七年十二月

丁巳朔日有食之

襄十四年二月乙未朔日有食之 十五年秋八月

丁巳朔日有食之 二十年冬十月丙辰朔日有

食之 二十一年九月庚戌朔日有食之 十月

庚辰朔日有食之 二十三年二月癸酉朔日有

食之 二十四年七月甲子朔日有食之既 八

月癸巳朔日有食之 二十七年十二月乙亥朔

日有食之

昭七年四月甲辰朔日有食之 十五年六月丁巳

朔日有食之 十七年六月甲戌朔日有食之
二十一年七月壬午朔日有食之 二十三年十
二月癸酉朔日有食之 二十四年五月乙未朔
日有食之 三十一年十二月辛亥朔日有食之
定五年春五月辛亥朔日有食之 十二年十一月
丙寅朔日有食之 十五年八月庚辰朔日有食
之

地震

文九年九月癸酉地震
襄十六年五月甲子地震
昭十九年五月己卯地震 二十三年八月乙未地

震

哀三年四月甲午地震

震雷

隱九年三月癸酉大雨震雷
僖十五年九月己卯晦震夷伯之廟

山崩

僖十四年秋八月沙鹿崩

成五年夏梁山崩

星異

莊七年夏四月辛卯夜恒星不見夜中星隕如雨子咳

曰為奔流者眾如雨之多詩曰眾多如雨傳曰謀臣如雨皆言多也

昭十七年冬有星孛于大辰又十四年有星孛入于北斗

哀十三年冬十一月有星孛于東方 十四年冬有

舊鈔另行

星孛火災

桓十四年秋八月壬申御廩災

莊二十年夏齊大災

僖二十年五月乙巳西宮災

宣十六年夏成周宣榭火趙子曰以樂器之所藏見周之所司無人焉示譏焉耳

成三年二月甲子新宮災三日災

襄九年春宋災 三十年五月甲午宋災

春秋左傳卷之...

昭九年夏四月陳災 十八年夏五月壬午宋衛陳

鄭災

定二年夏五月壬辰雉門及兩觀災

哀三年五月辛卯桓宮僖宮災 四年六月辛丑亳

社災

大水

桓元年秋大水 十三年夏大水

莊七年秋大水 十一年秋宋大水 二十四年秋

大水 二十五年秋大水鼓用牲于社于門

宣十年秋大水

成五年秋大水

襄二十四年秋大水

大雨雹

僖二十九年秋大雨雹

昭三年冬大雨雹

四年春王正月大雨雹

春秋左傳卷之...

卷六

六

大雨雪

隱九年三月庚辰大雨雪

桓八年冬十月雨雪

僖十年冬大雨雪

無冰

桓十四年春無冰

成元年二月無冰

襄二十八年春無冰

雨大水

成十六年春王正月雨大水

不雨

莊三十一年冬不雨

趙子曰凡經時不雨告廟則書

僖二年冬十月不雨

三年春王正月不雨

夏四

月不雨

文二年自十二月不雨至秋七月 十年自正月不

雨至于秋七月 十三年自正月不雨至于秋七

月

大旱

僖二十一年夏大旱

宣七年秋大旱

僖

桓五年秋螽

杜預曰螽蟴之屬按爾雅螽蟴乃斯螽俗呼踏踏未知是何物

僖十五年八月螽

文三年秋雨螽于宋

趙子曰自空而下又多似雨耳有雨毛雨血雨土皆此類

非梁義

八年冬螽

宣六年八月螽

十三年秋螽

十五年秋螽

襄七年八月螽

哀十二年十二月螽

十三年九月螽

十二月螽

螽

隱五年九月螽

八年九月螽

莊六年秋螽

饑

宣十年冬饑 十五年冬饑
襄二十四年冬大饑

麋

莊十七年冬多麋

蟻

宣十五年冬蟻生

蜚

莊二十九年秋有蜚

蠶

莊十八年秋有蠶

隕石

鵲退飛

僖十六年春正月戊申朔隕石于宋五
是月六鵲退

飛過宋都

鸛鵒

昭二十五年夏有鸛鵒來巢

霜

春秋集傳纂例

僖三十三年十二月隕霜不殺草李梅實

定元年冬十月隕霜殺菽

無麥禾無麥

莊七年秋無麥苗 二十八年冬大無麥禾

舊鈔此處識云已上
陸淳辭亡

春秋集傳纂例卷六

春秋集傳纂例

卷七

唐 陸淳 撰

弒例第二十六

隱四年春戊申衛州吁弒其君完公羊以國氏當國也義見本傳

桓二年春正月戊申宋督弒其君與夷

莊八年冬十一月癸未齊無知弒其君諸兒 十二

年八月甲午宋萬弒其君捷

春秋集傳纂例

卷七

一

僖十年春晉里克弒其君卓

文元年冬十月丁未楚世子商臣弒其君髡 十四

年九月齊公子商人弒其君舍商人昭公之弟舍之叔父為命卿

十六年十有一月宋人弒其君杵臼 十八年

夏五月戊戌齊人弒其君商人 冬十月莒弒其

君庶其

宣二年秋九月乙丑晉趙盾弒其君夷臯當稱人以弒文脫耳

四年夏六月乙酉鄭公子歸生弒其君夷 十年

五月癸巳陳夏徵舒弒其君平國

成十八年正月庚申晉弒其君州蒲

襄二十五年夏五月乙亥齊崔杼弒其君光 二十

六年二月辛卯衛甯喜弒其君剽 二十九年夏

閔弒吳子餘祭公穀皆云譏近刑人也 三十年夏四月蔡

世子般弒其君固 三十一年十有一月莒人弒

其君密州

昭十三年夏四月楚公子比自晉歸于楚弒其君于

乾谿十九年夏五月戊辰許世子止弑其君買
二十七年夏四月吳弑其君僚

定十三年冬薛弑其君比

哀四年春二月庚戌盜殺蔡侯申
六年秋九月齊

陳乞弑其君荼

啖子曰凡魯君見弑止皆書薨不可斥言也他國公子

篡大夫弑必書名志罪也若州吁宋督之類非君無道也稱國以弑目

大臣也晉弑其君州蒲之類凡四言吳薛也不書大夫君無道也言舉國皆欲殺

也稱人以弑目賤人也宋人弑其君杵臼之類是也亦惡其君也不君

善國人皆欲殺之稱盜以弑非君之惡也盜殺蔡侯申之類賊人為逆非君子之惡也

以自罪也人之賤之也不書其名罪已彰矣經書盜足以見罪若

云蔡盜殺其君則不成文據此君有道則大臣稱名卑者稱盜君無

道則大臣稱國卑者稱人其理例昭然不足疑也三傳

之義例皆不安矣

殺未踰年君

莊九年九月齊人取子糾殺之

春秋左傳卷之四

僖九年冬晉里克殺其君之子奚齊

文十四年秋齊公子商人弒其君舍稱公子命卿也

趙子曰魯君未踰年而見殺亦但書卒不可斥言也他國未踰年見殺者二晉奚齊以本不正故曰君之子明國人意不以為嗣獨君意立之明里克雖有罪而合晉人之心也齊舍雖未踰年而為亂故夫子原情特以成君書之穀梁云成舍之為君所以重商人之弒此說是也齊人取子糾殺之雖未嗣位而以未踰年稱之以其

正故特書以罪國人殺正而立不正也小白不正

殺篡弒賊

隱四年九月衛人殺州吁于濮

桓六年秋蔡人殺陳佗

莊九年春齊人殺無知

僖三十年秋衛殺其大夫元咺及公子瑕

昭十三年夏楚公子棄疾殺公子比

趙子曰凡作亂自立為君而國人殺之者皆稱人以殺

春秋左傳卷之四

卷七

四

言眾所共棄不君之也且明無所累也公羊穀梁皆云稱人以殺殺有罪也此說是也楚公子比稱公子者棄疾假立為君國人心亦未服比雖立亦未如君故以兩下相殺之辭言之也衛公子瑕即元咺所立瑕立而自秉國權瑕亦未如君也故以君殺大夫之辭言之而反在元咺之下以咺罪重於瑕也僖二十八年衛侯殺叔元咺立公子瑕三十年衛侯歸殺元咺及公子瑕

殺大夫公子

趙子曰凡殺卿皆書雖未命亦書之大之也殺公子公孫雖非卿亦書重親也或曰志其罪也或死者之罪或殺者之罪

內殺公子

僖二十八年公子買戍衛不卒戍刺之

成十六年乙酉刺公子偃

啖子曰內殺大夫謂之刺周禮有三刺之法避惡名也唯有二

人皆非卿而特書明其是公子也偃則直書刺者有罪當殺也買則上言晉人伐衛下言買不卒戍明不勝而

還非其罪也不斥言無罪申臣禮也穀梁傳誤矣

外殺大夫公子

莊二十二年春陳人殺其公子禦寇

僖五年春晉侯殺其世子申生 七年夏鄭殺其大

夫申侯 十年夏晉殺其大夫里克 十一年春

晉殺其大夫平鄭父 二十八年夏楚殺其大夫

得臣 三十年秋衛殺其大夫元喧喧及公子瑕

文六年春晉殺其大夫陽處父 九年春晉人殺其

大夫先都 三月晉人殺其大夫士穀及箕鄭父
十年夏楚殺其大夫宜申

宣九年冬陳殺其大夫洩冶 十三年冬晉殺其大

夫先穀 十四年春衛殺其大夫孔達 十五年

夏王札子殺召伯毛伯

成八年夏晉殺其大夫趙同趙括 十五年秋宋殺

其大夫山 十六年夏楚殺其大夫公子側 十

十七年冬晉殺其大夫卻錡卻犇卻至 十八年

春正月晉殺其大夫胥童 齊殺其大夫國佐

襄二年冬楚殺其大夫公子申 五年秋楚殺其大

夫公子壬夫 十年冬盜殺鄭公子駢公子發公

孫鞅凡盜殺不言大夫不可言也義見於本傳 十九年秋齊殺其大

夫高厚 鄭殺其大夫公子嘉 二十年秋蔡殺

其大夫公子燮 二十二年冬楚殺其大夫公子

追舒 二十三年夏陳殺其大夫慶虎及慶寅

冬晉人殺欒盈出奔而還非大夫也 二十六年秋宋公殺

其世子癸 二十七年夏衛殺其大夫甯喜 三

十年夏天王殺其弟佞夫 秋鄭人殺良霄義同欒盈

昭二年秋鄭殺其大夫公孫黑 五年春楚殺其大

夫屈申 八年春陳侯之弟招殺陳世子偃師

秋陳人殺其大夫公子過 十二年夏楚殺其大

夫成熊 十三年夏楚公子棄疾殺公子比 十

四年冬莒殺其公子意恢 二十年秋盜殺衛侯

之兄縶 二十七年夏楚殺其大夫卻宛

春秋左傳卷之八

哀二年蔡殺其大夫公子駟 四年夏蔡殺其大夫
公孫姓公孫霍 十三年冬盜殺陳夏區夫

啖子曰凡他國殺其大夫公子曰君者惡其君也晉侯殺其

世子申生宋公殺其世子痤天王殺其弟伋夫直是君自殺之非國也稱人者討罪之辭

也衛人殺州吁之類言稱國以殺者罪累上也宋殺其

馬之類但稱大夫者無罪而死也曹殺其大夫之類也

稱名目罪人之貴者也王札子殺召伯毛伯陳侯之弟招殺世子偃師之類是也

稱盜者目罪人之賤者也盜殺衛侯之兄繁之類出奔而復入見

殺不言大夫者言已絕也樂盈良霄之類凡君命之大夫奔叛

執殺皆書之紀邦政也又齊高厚楚卻宛莒意恢等據

左氏傳事迹並是兩下相殺而經以國討為文者蓋殺

者承君之命故經書國以累上傳憑雜記之事意在專

歸罪于殺者故遺君命耳且當憑經以為正也

殺諸大夫不書名

莊二十六年夏曹殺其大夫

僖二十五年夏宋殺其大夫

春秋左傳卷之八

卷

八

文七年夏宋人殺其大夫

左氏云昭公將去羣公子穆襄之族率國人以攻公

殺公孫固公孫鄭于宮

公六卿和室昭公即位而

墓書曰宋人殺其大夫不稱名

衆也且言非其罪也

八年冬宋人殺其大夫司馬

左氏云宋襄夫人

不禮焉夫人因戴氏之族以殺襄公之孫孔叔公

孫鍾離及大司馬公子印皆昭公之黨也司馬握節以死故書以官

啖子曰稱國者明死者全無罪累君益深也死者又無

名節故不紀官與字也稱人者明死者無罪又非君意

而殺之者衆不可書名特加人字以別之若守節以死

特書官以美之

諸大夫國君被弑而見殺者三

忠義見殺故不入常例特畧之

桓二年春正月宋督弑其君與夷及其大夫孔父

莊十二年秋八月甲午宋萬弑其君捷及其大夫仇

牧

僖十年春晉里克弑其君卓及其大夫荀息

趙子曰昏忠義見殺與君而死故言及以連之美其能

死節也孔父之節最高故又特書字以嘉之

公羊曰孔父正色於

朝則人莫敢
致難於其君

殺他國君

桓六年秋蔡人殺陳佗

佗雖逾年本篡弑之賊故不成之為君與無知同

宣十八年秋七月邾人戕鄆子于鄆

公羊曰戕殘賊也謂加剗剔支

解異于常殺也

昭十一年夏四月丁巳楚子虔誘蔡侯般殺之於申

兩罪之故兩書名也

十六年春楚子誘戎蠻子殺之

啖子曰凡殺他國君卿亂辭也

死者殺者皆有罪也

稱人以殺殺

者無罪死者無道也兩書名俱罪之也

楚子虔誘蔡楚般殺之是也

子誘戎蠻子殺之不名莫得而知也

地遠故不名也

故楚子

不名均其辭言罪之均也

為不知蠻子名故楚子亦不書名令其罪惡均也

殺他國大夫

宣十一年十月楚人殺陳夏徵舒

為弑靈公楚入陳殺之也

昭四年秋七月楚子蔡侯

云代吳執齊慶封殺之二

十五年與崔杼同殺莊公奔吳故殺之

八年夏楚人執陳行人于徵

師殺之

于徵師告楚以偃師被殺楚人殺之

冬十月壬午楚師滅

陳云殺陳孔魚陳侯之弟招殺世子偃師楚人
故殺之也

趙子曰三者皆宜見討于微師無罪故稱陳行人以別之也

執放例第二十七

執諸侯

舊鈔無此三字

僖五年冬晉人執虞公天子三公故不書名十九年春三月

宋人執滕子嬰齊六月己酉邾人執鄆子用之其取

血與之盟二十一年秋宋公楚子陳侯會于盂執

宋公以伐宋 二十八年三月丙午晉侯入曹執

曹伯昇宋人不稱晉人執者承上晉侯入曹文故不可重言晉人也冬晉

人執衛侯歸之于京師以其殺武叔元喧訴之受

訓故不得稱侯

成九年秋晉人執鄭伯 十五年春晉侯執曹伯歸

之于京師以其篡立故公羊云稱侯以執伯討也

襄十六年春晉人執莒子邾子以歸 十九年晉人

執邾子昭四年楚人執徐徐子

哀四年春宋人執小邾子夏晉人執戎蠻子赤歸

于楚

啖子曰春秋時以強暴弱故執諸侯皆稱人亂辭也私以

相執不唯言晉侯執曹伯義見趙子曰被執失地則名

不然則否滕嬰齊戎蠻亦失地凡執不言釋唯言釋宋公為公會

而見釋嘉我公之救患也

執外大夫

桓十一年九月宋人執鄭祭仲左氏曰宋誘而執之使立屬公以其受脅

廢立故不稱行人也

莊十七年春齊人執鄭詹不知以何罪執也

僖四年夏齊人執陳袁濤塗左氏云齊伐楚還說今猶海而歸故見執也

文十四年冬齊人執單伯公穀皆云道淫故也

成十六年九月晉人執季孫行父舍之于莒丘左氏云僑

如諧之也

襄十一年秋楚人執鄭行人良霄鄭人使告服於晉故也十

八年夏晉人執衛行人石買青其代曹也為使而見青故稱行人

二十六年秋晉人執衛甯喜弑其君

昭四年楚子伐吳執齊慶封殺之八年夏楚人執

陳行人于徵師殺之告楚以世子被殺故立君之事十三年秋

晉人執季孫意如以歸以其伐邾故也二十三年秋晉

人執我行人叔孫婁青伐邾也伐邾非其罪且是使人故稱行人

定元年春三月晉人執宋仲幾于京師左氏云會城成周仲幾不

受故也六年秋晉人執宋行人樂祁犁左氏云使於晉趙簡子送

而飲之酒范獻子譜之云未致命而飲酒故執之七年秋齊人執衛

行人北宮結以侵衛衛欲叛晉而齊人執之

啖子曰凡稱行人而執以其事執也言為使事不稱行人而

執以已執也言其使有罪也穀梁曰稱人以執大夫執有罪也

稱行人以執怨接于上此說皆通也

執內女

文十四年冬齊人執子叔姬與單伯同罪也

趙子曰內女見執依內大書例書之左氏言是齊侯舍

之母春秋例別無書執本國人者故知左氏誤此乃魯女嫁齊齊以非禮不肯受而執之耳公穀之義為是也

義見本傳

放

宣元年夏晉放其大夫胥甲父于衛

昭八年冬十月壬午楚師滅陳執陳公子招放之于

越

哀三年冬蔡人放其大夫公孫獵于吳

啖子曰放者宥之以遠謂君以禮命命令去也依殺例言之則稱國者罪累上也稱人者宜放也

天王居

僖二十四年冬天王出居于鄭襄王也不書入見內之不臣也

昭二十二年夏劉子單子以王猛居于皇 二十三

年秋天王居于狄泉景王

啖子曰天子以天下為家故不言出襄王獨書出者自絕天位雖居於鄭猶看出在四海之外然王者至尊故

不曰奔雖在外皆曰居諸侯奔在竟內亦曰居皆言猶居其地但不得其所耳公居于鄆之類是也

公及夫人遜

莊元年三月夫人遜于齊

閔二年九月夫人姜氏遜于邾哀姜也

昭二十五年九月己亥公遜于齊次于陽州

啖子曰凡公及夫人出謂之遜不可斥言奔公羊曰內

諱奔謂之遜是也

奔逃例第二十八

諸侯奔

桓十五年五月鄭伯突出奔蔡 十六年十一月衛

侯朔出奔齊

莊四年夏紀侯大去其國失國而云大去所以護紀而惡齊也

僖二十八年夏衛侯出奔楚今叔武攝位而去故不名也

文十二年春正月邠伯來奔

襄十四年四月己未衛侯衎出奔齊

春秋左傳卷之

昭三年冬北燕伯款出奔齊 二十一年冬蔡侯朱

出奔楚 二十三年秋七月莒子庚與來奔

哀十年春二月邾子益來奔

啖子曰凡人君奔例書名者罪其失地言非復諸侯也

或曰臣出其君非至公而其罪不彰無迺掩姦乎答曰

出君之罪史氏知之也春秋舉王綱正君則而治道興

矣不善之莫非已招也

舊欽少四字

未踰年諸侯奔

桓十一年秋鄭忽出奔衛

莊二十四年冬曹羈出奔陳

昭元年秋莒展與出奔吳

趙子曰未踰年之君出奔但書名不書爵言不能嗣先

君也鄭忽曹羈是也莒展與雖踰年猶不書爵其罪大

也

王子王臣奔

成十二年春周公出奔晉

春秋左傳卷之

卷七

十六

春秋左傳卷之

襄三十年夏王子瑕奔晉

昭二十六年冬尹氏召伯毛伯以王子朝奔楚

啖子曰天子公卿奔者不言出天下皆周土也唯周公自絕于王故書出罪之也左氏曰凡自周無出周公自出故也穀梁云周有入無出皆是也王子朝書尹氏以者能制之也

內大夫奔

閔二年九月公子慶父出奔莒

文八年十月公孫敖如京師弗至而復丙戌奔莒復者

事未畢

宣十八年十月歸父還自晉至筮遂奔齊還者事畢也

成十六年冬十月乙亥叔孫僑如出奔齊

襄二十三年冬十月乙亥臧孫紇出奔邾

昭十二年冬十月公子慆出奔齊

外大夫奔

莊十二年冬十月宋萬出奔陳

春秋左傳卷之

卷之

七

僖二十八年六月衛元嘽嘽出奔晉

六年冬晉狐射姑出奔狄 七年夏晉荀蔑奔秦

不言出奔言八年冬宋司城來奔左氏云非其罪為官

不返命也十四年秋宋子哀來奔左氏云不義宋公而稱字美之也

宣十年四月齊崔氏出奔衛公羊云稱崔氏譏世卿也

成七年冬衛孫林父出奔晉 十五年秋宋華元出

奔晉宋魚石出奔楚 十七年秋齊高無咎出奔

莒

襄六年夏宋華弱來奔 十七年秋宋華臣出奔陳

二十年秋蔡公子履出奔楚 陳侯之弟光出奔

楚穀梁云書弟罪其死也二十一年秋晉欒盈出奔楚

二十三年夏邾邾來奔 二十四年冬陳鍼宜

咎出奔楚 二十七年夏衛侯之弟鱄出奔晉

二十八年夏衛石惡出奔晉 冬齊慶封來奔

二十九年九月齊高止出奔北燕 三十年七月

鄭良霄出奔許

昭元年夏秦伯之弟鍼出奔晉 冬楚公子比出奔

晉 六年夏宋華合比出奔衛 八年夏陳公子

留出奔鄭 十年夏齊樂施來奔 十五年夏蔡

朝吳出奔鄭 二十年夏曹公孫會自鄭出奔宋

據鄭以叛 今出奔 冬十月宋華亥向寧華定出奔陳

二十二年春宋華亥向寧華定自宋南里出奔楚

前年自陳入南里以叛今復 出奔故湏言南里以符前事 二十七年邾快來

奔

定四年冬楚囊瓦出奔鄭 十年秋宋樂大心出奔

曹 宋公子地出奔陳 冬宋公之弟辰暨仲佗

石彊出奔陳 暨者以彼及此也蓋 彊首謀出奔辰從之 十四年春衛

趙陽出奔宋 夏衛北宮結來奔 秋衛世子蒯

瞞出奔宋 衛公孟彊出奔鄭 宋公之弟辰自

蕭來奔

哀四年二月蔡公孫辰出奔吳 六年春齊國夏及

高張來奔 十一年夏陳轅頤出奔鄭 冬十一

月衛世叔齊出奔宋

啖子曰內外大夫奔卿則書君之股肱也治亂所寄故重而書之凡奔皆惡也有非惡者則異其文宋司城是也從有美者又褒之宋子哀是也不是他國都而出奔皆書所自兩下相逐不書責政于邦也來奔不言出異於外也稱弟者罪其兄也非兄之罪則曰公子惡甚曰某鄭既足也

逃三

莊十七年秋鄭詹自齊逃來

僖五年八月諸侯盟于首戴鄭伯逃歸不盟

時齊桓大會以

尊王室鄭伯不當逃歸也

襄七年十有二月公會晉侯宋公陳侯云云于鄆陳侯

逃歸二慶告陳侯曰楚人執公子黃矣君若不來社稷懼有二圖遂來歸也

趙子曰凡言逃者皆謂義當留而竊去也故穀梁云逃義曰逃君臣同辭逃者匹夫之事也

諸叛例第二十九

莊三年秋紀季以鄆入于齊

稱季順元之命也不書名言季非叛也不書弟

言元無惡也書入以罪齊也

成十八年夏楚子鄭伯伐宋宋魚石復入于彭城

年奔楚至此時入左氏曰以惡入曰復入不稱所自以代為重不稱納非復臣也不稱叛不止乎叛也言其志在滅本國也

襄二十一年春邾庶其以濼閭丘來奔

即以地來奔即叛也

二十三年夏晉欒盈復入于晉入于曲沃

二十一年奔楚

不稱所以自潛至也

二十六年春衛孫林父入于戚

以叛 三十年秋鄭良霄自許入于鄭

不言叛與欒盈

義同但不據邑也不書復入志在復讐非謀害國不爾即經闕文也

昭五年夏莒年夷以年婁及防茲來奔

義同庶其

一年宋華亥向寧華定自陳入于宋南里以叛

三十一年冬邾黑肱以濫來奔

義同庶其

定十一年春宋公之弟辰暨仲佗石彊公子地自陳

入于蕭以叛 秋宋欒大心自曹入于蕭

十三年秋晉趙鞅入于晉陽以叛 冬晉荀寅吉士射

入于朝歌以叛
趙子曰凡據土背君曰叛叛者皆書不必命卿也以地
來者而不言叛從可知也又凡叛而書所自非君無道
也

至歸入納例第三十

公至自會

僖十五年九月公至自會 十七年九月公至自會

文十四年七月公至自會

宣八年春公至自會 十七年秋公至自會

成六年正月公至自會七年公至自會 九年正月公至自

會 十五年三月公至自會 十六年秋公至自

會 冬公至自會 十七年秋公至自會

襄三年秋公至自會 五年秋公至自會十年公至自會 十一年

年公至自會 十六年夏公至自會 二十年秋公至

自會 二十二年正月公至自會 冬公至自會

二十四年冬公至自會 二十五年八月公至

自會

昭十三年八月公至自會 二十六年公至自會

定四年七月公至自會 十四年五月公至自會

哀十三年秋公至自會

公至自某國某地

桓二年冬公至自唐

莊二十三年春公至自齊 夏公至自齊 二十四

宣年秋公至自齊

僖三十三年冬十二月公至自齊

文四年春公至自晉 十四年正月公至自晉 十

七年秋公至自穀

宣四年秋公至自齊 五年夏公至自齊 九年正

月公至自齊 十年春公至自齊 五月公至自

齊

成三年夏公至自晉 四年秋公至自晉 十一年

三月公至自晉 十八年夏公至自晉

襄四年三月公至自晉 五年春公至自晉 八年

夏公至自晉 十三年春公至自晉 二十一年

夏公至自晉 二十九年五月公至自楚

昭五年七月公至自晉 七年九月公至自楚 十

四年公至自晉 十六年夏公至自晉 二十六年

自齊居 于郟 二十七年春公自齊居于郟 冬公至自齊居于郟 二十九

年春公至自乾侯居于郟

定八年夏公至自瓦 十年夏公至自夾谷 十二

年十一月公至自黃

公至自侵伐圍救

定六年二月公至自侵鄭 八年正月公至自侵齊

三月公至自侵齊 已上至 自侵

桓十六年七月公至自伐鄭

莊六年秋公至自伐衛 二十六年夏公至自伐戎

僖二十六年冬公至自伐齊

宣七年秋公至自伐萊

成三年二月公至自伐鄭 十三年七月公至自伐

秦 十七年十一月公至自伐鄭

襄十年冬公至自伐鄭 十一年七月公至自伐鄭

十九年春公至自伐齊

哀十年五月公至自伐齊 已上至自伐

僖二十九年春公至自圍許

定十二年十二月公至自圍成 已上至自圍

襄五年十二月公至自救陳

致前事

僖六年公會齊侯 云云 伐鄭圍新城秋楚人圍許諸侯

遂救許冬公至自伐鄭

襄十年春公會晉侯 云云 會吳於柤夏五月甲午遂滅

偃陽公至自會

致後事

僖四年春王正月公會齊侯 云云 侵蔡蔡潰遂伐楚次

于淫八月公至自伐楚

春秋左傳卷之六

襄十一年七月公會晉侯云云伐鄭會于蕭魚公至自

會

雜致

成七年秋公會晉侯云云救鄭八月公至自會 十六

年秋公會尹子云云伐鄭十二月公至自會

定四年春三月公會劉子云云于召陵侵楚秋七月公

至自會已上不以本事致而以會致

襄十八年十月公會晉侯宋公衛侯鄭伯曹伯莒子

邾子滕子薛伯杞伯小邾子同圍齊十九年春正

月公至自伐齊亦不以本事致

桓十八年夏公之喪至自齊

啖子曰凡公行總一百七十有六書至者八十有二不

書至者九十有四此因時君告廟不告廟也左氏傳桓

二年公至自唐曰告于廟也此說是告廟則書之于策

故夫子隨其所致而書以示功過且志其去國遠邇遲

速也其有一出而涉兩事者則或致前事若僖六年伐鄭救許書至

春秋左傳卷之六

卷七

三

自伐鄭或致後事若僖四年侵蔡伐楚至自伐楚之類蓋夫子擇其重者志之也又有不致本事者蓋本事非功也十二公獨隱公不告蓋譏讓不以人君之禮自居也其餘不告或恥也或怠也

歸

桓十一年九月突歸于鄭

莊二十四年冬赤歸于曹

僖三十年秋衛侯鄭歸于鄭

昭十三年秋蔡侯廬歸于蔡 陳侯吳歸于陳

定十三年冬晉趙鞅歸于晉

哀八年夏歸邾子益于邾 十年衛公益驅自齊歸于衛

桓十七年秋八月蔡季自陳歸于蔡 此以下皆自某歸

成十四年夏衛孫林父自晉歸于衛 十五年八月

宋華元自晉歸于宋 十六年秋曹伯歸自京師

襄二十三年夏陳侯之弟黃自楚歸于陳

昭十三年夏四月楚公子比自晉歸于楚

春秋左傳卷之七

復歸來歸逃歸附

桓十五年五月鄭世子忽復歸于鄭

僖二十八年六月衛侯鄭自楚復歸于衛 冬衛元

咺自晉復歸于衛 曹伯襄復歸于曹

襄二十六年二月甲午衛侯衎復歸于衛

閔元年八月季子來歸

僖五年八月鄭伯逃歸不盟

襄七年十二月陳侯逃歸

入

隱八年庚寅我入邠

桓十五年夏許叔入于許秋九月鄭伯突入于櫟

莊六年夏六月衛侯朔入于衛 九年夏齊小白入

于齊 二十四年秋夫人姜氏入

襄二十五年秋衛侯入于夷儀 三十年秋鄭良霄

出奔許自許入于鄭

昭元年秋莒去疾自齊入于莒 二十二年秋劉子

春秋左傳卷之七

卷之七

三

單子以王猛入于王城 二十六年冬十月天王入于成周

定十一年秋宋樂大心自曹入于蕭

哀六年秋齊陽生入于齊

復入入某以叛 見叛例

成十八年夏宋魚石復入于彭城

襄二十三年夏晉欒黶復入于晉入于曲沃

納

莊九年夏公伐齊納子糾

僖二十五年秋楚人圍陳納預子于頓

文十四年秋晉人納捷菑于邾弗克納

宣十一年冬楚子入陳納公孫寧儀行父于陳

昭十二年春齊高偃帥師納北燕伯于陽

哀二年夏晉趙鞅帥師納衛世子蒯瞶于戚

已上啖趙之辭七

春秋集傳纂例卷七

春秋集傳纂例

卷八

姓氏名字爵謚義例第三十一

姓氏

唐 陸淳 撰

陸淳曰古者一字不成文辭皆以氏字配之姜氏子氏以氏配姓也季氏臧氏以氏配族也哭於賜氏以氏配名也仲氏吹篪及不念伯氏之言以氏配字也滅赤狄

潞氏以氏配國也母氏聖善以氏配親也然則其通而言
之皆得言氏別而言之單言氏者皆謂族也姓則百代
不易謂唯天子得通以特賜姓故曰因生以賜姓舜賜禹
姓曰姁伯夷曰姜武王賜胡公姓曰媯是也又曰胙之
以土而命之氏舜賜禹曰夏伯夷曰呂是也又天子之
子例以謚配字信伯文伯宣叔而後代子孫因以其字
為氏示所出不亂所謂別子為祖也自餘則或以官以
邑為其氏族以自分別凡此皆如近代之論房也又古

者男子皆以氏配名華元王愛高不言其姓婦人乃稱
姓姜氏姬氏禮曰男子稱名婦人稱姓是也公子公孫

以孫為氏謚明與一體以異於眾臣也不以國為氏者異
於君也曾孫以下去君稍疎則可書其氏矣晉之荀氏

經常稱荀氏左氏分為中行氏智氏魯之仲孫氏傳則
謂之孟氏蓋當時或私自稱氏於仲孫氏之中又自分為小氏以自相別也

傳從而書之經則必從其正諸氏之中又為諸氏者如
晉之魏氏分為呂氏厲氏魯之季氏分為公鉏氏皆就

中自分別如今同房之中又論房也

名字

子生三月父名之二十冠而敬其名而立其字以五十更有伯

仲之字改為二十冠而字也五十乃為大夫則又敬其字而呼伯仲

之字凡稱其字者必加子字於上子美稱也且以便於言也子突子哀是也宋孔父以子是其姓不可言子孔

故改曰孔父父美稱也加之者亦以便於言也古者或有名父者如荀林父胥甲父之類而無以子字為名者

以子者配其字之美辭故避之父則本非配字之言故

可為名但夫子時書之耳又家父者天子大夫家氏也

當是無兄弟者無伯仲可稱故但以父配氏而已按儀

禮二十而冠便加伯仲之字伯某甫伯魚伯牛之類是也亦

五十乃為大夫即又加敬但呼其伯仲孔伯冉伯而不

言牛魚也禮謂五十以伯仲是也亦有但以子連字不

言伯仲者子貢子路是也此即與啖說不同然而據儀

禮即似有憑也儀禮云庶子長者曰孟據孟與伯俱最

長之稱嫡庶既分須別立字而左氏傳諸國大夫亦有

古者無謚周始有之武王追王三代而王季獨無謚蓋
初制之時加謚者如殷祖之號有大功大德乃加之故
三祖之中無謚者一併諸侯若公卿大夫有大功大德
及大惡者乃特賜謚不盡有謚也故史記世本屬王以
前諸侯有謚者少其後乃皆有謚蓋後代僭差遂以為
常如祖宗之號本以尊有功德而漢以來一切加之亦
皆臣子之心願尊其君父之所致也楚之大夫有土者
皆僭封公蔡公申公僭用諸侯禮也秦之大夫多僭為

子僭畿內諸侯禮也此並不見於經出於傳諸侯皆當依爵而時

多僭謚為公春秋時唯蔡一處稱侯餘皆稱公僭也天子大夫亦有僭謚

為公者劉文公諸侯之大夫皆以伯仲配謚而時或僭

為子范文子季武子之類是也以其采地欲自同於畿內諸侯也侯

伯子男之臣皆得稱其君曰公其子孫亦曰公子而謚

不得云公者謚是王所賜也大夫之臣得稱其主曰子

而謚不得稱子者謚是所賜也婦當從夫謚後代訛謬

無別有謚非正也若公之夫人稱小君言位比君而

小耳大夫之妻曰内子亦比于夫人尊之曰子而在内
耳左氏傳所序當時人或言本爵或言公吳楚則或言
王皆隨本國他國之史文也楚國史則曰王他國之史
則曰子其言人臣或稱爵位或言名氏或言其官亦或
從其家傳或從其國史或從當時雜記故不一也一行
之内則有數名故知博采諸記錯綜而為之也經書名
氏傳言爵及自謚等經無名而傳有之今並存其文以
示當時人解釋其違經者則削之舊解春秋經傳人名

皆原其譜牒今以非褒貶之意故不復具言唯魯之世
卿則獨於註中言之爾

名位例第三十二

王者無上故加天字言如天也而有不書天者三

桓公
弒隱

而王不討之至莊元年反令榮叔來錫命故不言天一
也文公以僖公妾母成風用夫人禮而王不責反令榮
叔歸舍且謂故去天字二也又使召伯來會成
風葬亦去天字三也成風並見文五年春經
能法天者也
並各於本
又有書天子者一

成八年天子
使召伯來錫

命或依策命之文以懲失禮或傳寫誤也天子無上無

以褒之故褒子突莊六年王人子突救衛時魯伐衛納朔不正也則王美可見也天子自絕于天下而奔者曰出僖二十四年天王出居于鄭義已見奔例言自棄天下如在四海外然

諸侯

諸侯唯宋稱公餘稱侯伯子男四等各隨本爵書之唯葬時稱公見其非王謚也義見隱五年時吳楚雖僭稱王經

但依其本爵書之不可依其號諸侯位尊無以褒之但託

辭以見美而已紀侯不言奔而言大去即其類也左氏曰齊

欲滅紀紀侯以國與紀季令其事齊諸侯失地則書名以存宗社而身去之義見莊四年齊十四年衛侯術出奔齊之類是也諸侯滅同姓僖二十五年衛侯燬滅邢之類及誘人

昭十一年楚子庚誘蔡侯亦書名其惡大當絕之不以為人君也國滅而不能死又不奔他國者定四年蔡公孫姓滅沈以

沈子嘉歸亦如之責其不求興復也諸侯有夷狄之行之類是也者則以狄書之君臣同辭但晉人敗秦師于穀左氏云秦人因

成鄭而謀襲晉晉人敗之鄭伐許在成三年晉伐鮮虞于穀義見僖三十二年左昭十二年左氏云晉荀吳偽會齊師假道於鮮虞遂滅肥冬晉伐鮮虞因肥也之類是也荆

卷八 六

人來聘在莊二十三年楚人圍宋在僖二十七年時晉文新霸

諸侯從楚子圍宋故公羊曰人楚子所以楚人使宜申來獻捷亦同楚人即楚子也

諸侯純用夷禮者以國稱之荆吳徐越之類是也諸侯

殺其臣皆書國而已僖十年鄭殺其大夫申侯之類是也不書其爵言以

國法誅之也若殺全臣之全無罪者則稱爵以罪之僖五年

侯殺其世子申生之類是也魯侯爵而曰公臣子之敬辭也非與僭

用其禮同也又曰滕薛杞初皆書侯莊公之後滕則稱

子桓公二年稱子時薛杞則自莊公之後或稱侯或稱

為在喪非正名也

伯或稱子者義具微旨本非夷狄又非附庸故不書人也

言本中庸諸侯非夷狄所以議之也附庸之君例書名介葛盧僖二十九年

鄭黎來莊五年是附庸之君也雜用夷禮者以人稱之

邾人牟人葛人來朝在桓十五年是也邾儀父亦名也三傳

謂之字誤矣說見辨疑畿內諸侯在天子公卿例中也

未踰年君

諸侯未踰年則稱子僖二十五年公衛會于言未成君

也未葬又加名莊三十二年八月公薨十月對尸柩前

子般卒是也未葬故書名

子般卒是也未葬故書名

春秋左傳句解 卷八 七

父前子名之禮也出外亦不名則非對尸柩故也王猛
據例當書曰子恐似羣王子故特曰王子明正也又書

名異成君也義見昭二未踰年君出奔不曰子但名而

已言不能嗣先君也鄭忽桓十一年奔衛曹羈莊二十四年奔衛是也

陳陀桓六年蔡人殺之也齊無知莊九年齊人殺之也莒展與昭元年奔吳雖踰

年猶不書爵以其不正不許其有爵也以其本不正故也鄭忽

復歸猶書世子者明其正也在桓十五年齊侯舍未踰年而

書爵重商人罪也義見文十四年

太子

稱太子者皆父已命之上告於王周禮所謂誓於天子

者也衛太子蒯瞶父已命之後雖廢立猶謂之太子哀二

年晉趙鞅納衛太子蒯瞶于戚陳禦寇父命之故傳稱太子未誓於王

故經書公子義見莊二蔡侯般見殺喪未歸太子有未

嗣位故猶稱太子昭十一年夏四月楚子虔誘蔡般殺之冬楚師滅執太太子有以歸用之

其弒逆者則不必待王命以重其罪如未踰年稱君之義楚世之商臣弒

其君是也義見文元年

夷狄

夷狄之君臣皆書其國而已若狄荆吳徐越之類是也
 朝聘列會例書人字不可言荆來聘不可連言吳鄭人
 故也但君臣同辭異于中國耳夷狄之君不能自通者
 但貶稱戎狄而已閔僖之時狄頻伐中國或列于會盟
 皆但書狄魯敗長狄亦但書狄皆謂不審其名號隱桓
 之時戎或盟會亦但書戎莊僖之後或稱北戎山戎陸
 渾戎宣公之後自稱白狄赤狄及淮夷夷皆謂以名通也

初但是狄耳後又有戎蠻子赤及赤狄潞子皆戎有爵
 乃稍知其名者也潞赤蠻戎蠻甲氏留吁赤狄也宣十有國號仍標戎

字者以別中國也荆吳越之輩全同夷俗故依夷狄書
 之不標戎狄之字明其本非夷狄也楚人初同夷俗則
 書曰荆以州言之如曰荊州之夷其後自通又不同夷
 則遂同中國之例吳唯黃池之盟在哀十三年以爭長降號

已前多稱王故稱爵相舉之戰以蔡人以之舉重也定四年
 吳子戰于柏舉故書爵使札來聘在襄二十九年以合禮故稱爵善其能聘

中國餘則皆依夷狄例鮮虞昭十二年蓋亦狄也越曰於越者乃越中之別也如羣舒蓋亦夷類舒鳩舒庸亦舒中之別也

后夫人王姬內女

天子之妃曰后諸侯曰夫人凡稱婦者有姑之辭也公羊曰在塗曰婦殊失之矣

凡婦人皆以字配姓伯姬仲子季姜之類是也以謚言之亦以謚配姓穆姜定姜共姬之類是也女者未嫁之

稱至夫之國乃曰夫人宣元年公子遂如齊送女遂王

后雖在父母國亦曰王后桓八年祭公來送王后于紀之類是也天下皆

王土故也凡取必親迎至夫國始當成禮文公成禮於

齊故不得言送女而曰逆婦齊高固莒慶成禮于魯故

曰送叔姬見其不言女則知失禮也其義皆見婚姻例中諸侯之

妾母雖臣下尊之然不得稱夫人以體先君自成風之

後乃皆僭矣

春秋時有子叔姬者三文十二年子叔姬卒文十五年齊人來歸子叔姬宣五年高固

未送子 公羊穀梁皆云同母姊妹非也據稱子直謂時
君之子以別先君之子耳乃云姊妹有何理哉難者或
云若是文公女不應有兩叔姬按伯仲之外餘稱叔管
叔蔡叔等即其類也

天子之公卿大夫

三公稱公曾為三公而有土為畿內諸侯者亦曰公皆

以其地配公字言之蔡公桓八年來送王后于紀周公僖九年會于葵丘者

也皆見為三公以其皆用王事也州公桓五年如曹郭公莊二十四年經闕

或曾為三公也或見為三公未可定也天子卿大夫有

封為畿內諸侯者皆曰子殷制已然箕子微子是也周

亦因之故王臣稱子者皆畿內諸侯也溫子劉子單子

尹子是也有采地不封為國者不得謂之子菜采也采

其租稅而已不臣其人也其封土有宗廟社稷專其人

民如在天子畿內若諸侯國內之附庸然天子有六卿

冢宰無所不統故為冢宰者皆加宰字宰渠伯糾桓四年來

聘是也兼為三公則曰公宰周公是也不兼三公者但書氏

字而已糾是也天子大夫皆稱氏稱字謂伯仲叔季也

諸侯不敢名也召伯毛伯榮叔兄弟無伯仲可言但謂

之叔叔美稱也足以當字其例已見諸侯天子之大夫

唯渠伯糾一人兼書名以譏其不達禮也桓四年天王

聘子突書字以褒之渠伯兼名以貶之義可知也又曰

王子王孫有大故亦書之王子札殺召伯毛伯是也書經

王札子誤也

諸侯之卿大夫士

魯宋齊晉衛蔡陳鄭八國之卿自齊桓霸後無不稱族

餘國則否公羊穀梁言曹莒無大夫者無命大夫也舊

說或謂無君命若無君命何以得為大夫乎禮諸侯之

卿皆命于天子王制云大國三卿皆命于天子次國三

卿皆命于天子見春秋經不書卿名所以兩不自知是小平王東徙諸

國不請命耳非尋事理說為之正也

侯之卿無復請命故隱桓及莊公之初少有書族者蓋

齊桓既霸列會頗多凡列班位未命者在已命者之下

故此諸國皆請書族自餘小國不能自通于王室亦少

何得會郟之時不列序而言單伯會齊侯乎莊十四年

侯于又自齊來魯何為書至乎文十四年單伯至自齊

女叔則左氏曰嘉之故不名莊二十五年來聘結好者

多矣何獨嘉女叔乎公羊云書曰祭仲賢也不同天王

故見書字以廢君為賢害教之甚也義見桓內外命卿

沒之後既不稱名當稱謚及字原仲莊二十七年公子

夷伯僖十五年震是也凡天子之三公稱公宰周公祭

類也此公其大夫氏字之尊王官也尊王官異于列國

南季尹子單士曰人示等差也天子之士比列國下大

來則名之詳內以異外也來謂來魯也則書氏與名

是列國命卿皆名之三傳義降王室也降謂不書字也

謂之卿左氏以命於天子稱為卿公君命之卿謂不請

子會伐稱人所以昭軌度別貴賤也會伐謂征伐及盟

於王命之卿時天子微弱諸侯陵僭雖合命于天子者

亦不請命故夫子皆但書曰某人以示法度且以譏諸

侯之自來則名之執齊人執鄭殺楚殺其大夫亦書之

紀刑辟紀其刑辟懲亂政也言皆因亂不稱氏以別乎

卷八 齒

王命者也雖得稱名而不書外來稱人皆下大夫也外來謂鄭人來渝

齊人來歸衛寶之類是也其或異此例之變也內大夫稱字以示褒稱盜以以示惡也

內大夫名位差品既異諸家既不總論而各釋之或有

未悟今故總而序之又曰凡諸侯子弟稱公子以氏者

有二種曾受王命為卿者以公子為氏公子慶父之類

是也自此之外則被殺者非卿亦書公子重骨肉也誅

公子無知其骨肉相害也故不言大夫而直稱公子陳人殺公子禦

寇是也其不稱公子而以國帶名謂之國氏亦有二種

其君自命為卿稱國以氏莒慶之類是也其篡弑及為

國人所立則雖非君命之卿亦以國氏若不言國則不知何國之人也

齊無知弑其君諸兒衛晉衛人立鄭寗寗歸于曹赤赤歸于

之類是也公羊所謂國氏者是也或問曰列國之卿唯

左氏稱卿公穀但云大夫何也答曰大夫於王者但稱

大夫所謂上大夫也如今九命卿但稱卿即大夫也國人加稱之即曰

卿亦猶侯伯之國呼其君亦曰公此加稱耳非正名也其下大夫不在於經左氏

亦呼為大夫亦如今呼少卿亦只言卿不言少卿也則左氏據時世所稱

春秋左傳句解 卷八 五

言之公穀依正名言之義可知也

兄弟

隱元年夏五月鄭伯克段于鄆左氏曰既不弟故不言弟公穀意同既

是以無弟心故不言弟兄亦如之衛州吁楚公子比之

類皆是也並不舉此一例以明之他可知也並無骨肉

言元弟也

隱七年夏齊侯使其弟年來聘

桓三年冬齊侯使其弟年來聘將國命者大夫之事不以私見使故讓之

十四年夏五也鄭伯使其弟語來盟穀梁云天子諸

侯之尊弟兄不得以屬通

宣十七年冬十有一月壬申公弟叔肝卒喪之特

成十年春衛侯之弟黑背帥師侵鄭義同齊年之聘

襄二十年秋陳侯之弟光出奔楚穀梁稱弟罪其元不能相容

二十三年夏陳侯之弟光自楚歸于陳重諸侯之弟故書歸

陳鍼不書歸不告也二十七年夏衛侯之弟鱣出奔晉義同陳光

三十年夏天王殺其弟佞夫穀梁云譏天王也

昭元年夏秦伯之弟鍼出奔晉義同

八年春陳侯

之弟招殺陳世子偃師

昭元年號之會招稱公子而云陳侯之弟者罪其殺

兄之子骨肉相害罪重于凡人也齊商人殺舍舍亦兄之子而不言弟者齊昭公已卒則商人無兄且弑君之罪重于兄子故從重者書之也

二十二年秋盜殺衛侯之兄

繫穀梁云目衛侯衛侯累也

定十年夏宋公之弟辰暨仲佗石彊出奔陳義同

十一年春宋公之弟辰及仲佗石彊公子地自陳

入于蕭以叛

弟而叛兄兩罪之也

十四年秋宋公之弟辰

自蕭來奔義同

穀梁云天子諸侯之尊弟兄不得以屬通何者君臣重

於兄弟也凡書兄弟皆有義也鄭既不弟故不言弟義

隱元公子偃蓋同此義左氏及公羊皆曰凡稱弟皆母

弟也蓋見諸侯之弟或稱弟或不稱弟不能通其義而

由為此說且聖人之教雖及其兄弟之子猶引而進之

安有異母即見疎外乎非敦睦之道也穀梁之說是也

穀梁傳云國君之尊弟兄不得以屬通言兄弟皆有義也然猶曰殺太子母弟目

君亦非也

見晉侯殺其太子申生天
王殺其弟佞夫妾為此說也

或問曰君殺弟

及弟奔則書曰弟若殺若逐公子公孫雖不為卿亦書

曰公子公孫罪君虐其骨肉也

義在殺及奔例

而君之兄弟及

公子公孫殺君何不重其罪而依眾臣例書之乎答曰

君殺臣逐臣義有輕重故可分別之弑君至逆罪無加

矣如加兄弟之罪為罪重則眾臣弑君未為極重與太子

輕于君故於陳招書弟以明其重也人倫大紀君臣父

子其次則兄弟故諸侯兄弟來接于我及在國有大故

則書之以示勸戒

人

三傳皆稱卿有罪者貶之曰人夫人有善則欲人知之

有惡則欲人掩之若有惡貶書曰人則適足以成奸人

之計且未命者猶特書以懲惡豈既命者反隱其名乎

凡稱人為惡者唯楚子稱人以圍宋既在諸侯之上明

貶之同夷狄也所以然者罪諸國從夷狄也

義見僖二十七年

其餘則宜申獻捷

在僖二十一年

并朝聘之禮用夷禮者曰人

年人葛人執諸侯及執他國大夫皆覽文可知其貶故
之類是也其通可行也餘則不用此例矣經中一字偏施于諸例而義
不同者唯人字不同耳凡成例者義各見本例其不可
推以成例而又不可別加褒貶者亦用人字以示義楚
人使宜申來獻捷之類是也此所謂即文見意者也今
略之于後

凡朝稱人夷狄之君也邾人年人葛人來朝是也

凡聘稱人夷狄之臣也荆人來聘是也

凡列國史來稱人下大夫也齊人來歸衛甯鄭人來渝
平之類是也

凡他國盟會稱人皆不命卿也王人則士也

凡公及他國大夫盟非大夫之過皆稱人及宋人盟于
宿之類是也

凡他國用兵稱人皆不命卿也宣公以前稱人者多遠
事難詳從舊史也王人則士也

凡執諸侯執大夫皆稱人亂常也唯成十五年執曹伯
歸於京師書晉侯

凡弑君稱人目賊人也

凡殺大夫稱人殺有罪也

凡殺弑君之賊皆稱人討有罪也

凡殺他國君卿稱人皆亂辭也元者雖有罪殺君亦非治政曰亂辭也

凡殺大夫稱人放有罪也秦人放其大夫公孫獵于吳

是也

右並通凡例例義各見本部

僖二十一年冬楚人使宜申來獻捷楚子伐宋故稱人狄之也

二十七年冬楚人陳侯蔡侯云云圍宋穀梁云人楚子所以人諸

也侯宣四年春王正月公及齊侯平莒及邾莒人不

肯以其不肯故人之也十五年夏五月宋人及楚人平稱人以平

賊二襄三十年冬齊人云云會于澶淵宋災故左氏曰卿

不書不書也

右並不可推以成例但用人字以示取

氏

卿大夫稱氏者唯尹氏隱三年尹氏卒昭二十三年尹氏立王子朝昭二十六年尹氏

春秋傳

以王子武氏隱三年武氏朝奔楚武氏子來求聘崔氏宣十年崔氏出奔衛皆譏世卿也

言氏則世卿之意可見也時世卿既多不可勝譏因尹

氏私赴不以名因齊人崔氏出奔因武氏以子代父故

特書之及尹氏立王子朝并以子朝奔楚皆以世卿亂

王室故從而書之譏此數者足以見世卿之惡也

盜

襄十年冬盜殺鄭公子駢公子癸公孫輒

昭二十年秋盜殺衛侯之兄縶

定八年秋盜竊寶玉大弓

哀四年春王正月庚戌盜殺蔡侯申 十三年冬盜

殺陳夏區夫

夫殺君及竊國之重竇事合書名而其人微名不合見

經故經稱之曰盜公穀之說非也已見殺例中左氏云

齊豹為衛司寇作而不義其書為盜齊豹殺衛侯之兄縶此蓋左

氏不達春秋非上卿不書名妄云爾據上大夫殺君例

書名齊豹若信是上大夫而書盜是乃殺君之兄罪大

春秋傳

於殺君也

論特書

命卿已上有善有惡皆備書之足以彰示後代未命之
 卿及眾大夫已下若一例書人何以懲勸故有特書之
 義叛逆者雖非命卿亦書衛州吁弒其君完義見隱四年宋督弒其君其
 君與夷義齊無知弒其君諸兒義見莊八年宋萬弒其君捷義見莊十二年邾庶
 其衰二十一年以莒年夷昭五年以年婁黑肱昭三十一
 濫來漆閭丘來奔之類是也卿者君之股肱若奔及見殺亦國之大
 奔

故雖未命亦書之楚得臣僖二十八年殺之宋萬莊十二年奔陳子哀
 文十四年來奔宋山殺之成十年邾卑我哀二十三年邾快昭二十
 年來奔義宋公而來奔之類是也子哀之奔合義左氏十五年得不故書氏

以褒之宋司城之歸不書亦疑是未命特書之也文公八年
 來奔而無歸處凡殺公子公孫雖不為卿亦特書之陳禦寇莊二
 十二年殺之公子偃成十五年莒意恢昭十四年殺之宋地定十年奔陳之
 類是也其自以為君而來爭國者則不論命與不命皆
 但名而已不言公子公孫亦非復人臣也所謂當國者

也齊小白莊九年陽生哀六年邾捷菑文十四年莒去疾昭元年之

類是也楚比稱公子者初歸之志未爭國也昭十年齊糾

書子明正也莊九年外大夫特為魯事雖不來魯亦書其

名莒慶之盟是也僖二十五年公會莒莒則我獲之而

書也僖元年公子友敗莒師于鄆獲莒挈楚屈完來附中國功美尤高故

同既命之例特進之也義見僖四年魯公子結莊十九年及齊侯宋公盟

能安國家美之也特書公子結以明之諸侯兄弟以國

連字者有蔡叔桓十二年蔡會宋許叔因鄭亂而復蔡

公陳侯蔡叔盟許叔見桓五年

季紀季蔡叔無子蔡人召之自陳歸見桓昏國而字之

言與君一體也魯宣公弟叔肝義見宣十七年季友義見僖十六年最

賢故於其卒字之以示惜而褒之也肝非命邾特書之

也

都論褒異

春秋時為惡者多敗者則眾其理易見其見褒者前已論訖

今又繼而序之樂道人之善也夫諸侯去國之美者莫

過于紀侯以國與季而去復歸之正者莫過於鄭忽本

義見莊四年

子也身雖蒙恥而位
君正義見桓十五年
立齊人殺之
義見莊九年
王師之正者莫過于子突救衛也義見莊六年
諸侯

兄弟之外附美者莫過于紀季義見莊三年
入繼之美者莫

過于蔡季次當立蔡人召之義見桓十七年
興復之美者莫過于許叔

因鄭伯亂而能復
國義見桓十五年
魯公子兄弟之忠賢者莫過於季友

也立僖公定社稷也義見閔二年
其合義者莫過于叔肝不食宣公之祿義見宣十七年

卿大夫死節之美者莫過于孔父正色立于朝則人莫敢致難于其君者義見于文公十四年

見于桓
公三年
奔亡之美者莫過于子哀不義宋公而來奔其義見于文公十四年

歸正之大者莫過于屈完服齊桓也義見僖四年
守職不失者莫

過于司城司馬義見文公八年
鄰國之美者莫過於高子閔元年

盟仲孫閔元年
未省難故皆廢而進之如曰不然請聞其論

蔡叔桓十年
盟于析傳不詳其事迹不見事迹益亦美之

雜字例第三十二

春秋之文至簡故字皆有義但見其文則知其義必須

解釋但相承曲說遂令迷其指歸何者夫子制作本教

中人故簡易其文昭著其義若能以質直見之則可不

侯傳註而自通矣故言滅國則知滅者之罪見諸侯生
 名則知非復人君見言歸則正此類皆文勢常理何必
 立異乎又上言伐衛次言王人衛下言衛侯朔入于衛
 則知送王命義見莊六年又上言成宋亂下言納鼎則知
 會賂縱罪義見桓二年見正月蒸五月蒸則知黷祀義見桓八年
 凡此類則上下相應而見其理并一事再見卒名公子遂如
 齊送女遂以夫人前目後凡謂列序後後但言諸侯也皆存簡易之
 至自齊之類也

道諸事各從本篇論之而文義或有未盡者今皆序之

以用立吉不肯

公羊穀梁皆云以者不宜以也用者不宜用也立者不
 宜立也吉者不可以吉也不肯者可以肯也如此類甚
 多謂若宜以宜用宜立宜吉宜不肯則不書也以者行
 其意也皆謂能制之也劉單以王猛義見昭十二年尹氏以
 王子朝義見昭十六年遂僞如以夫人至自齊也義及以他
 國之師義見用中皆不宜以者也用者用鄆子十九年邾
 蔡太子昭十一年楚滅蔡執用牲用幣已見郊用致夫

人例中用郊見郊例中亦皆不宜用也立者立武宮在成六年賜

宮在定四年立晉在昭二年皆不宜立也立晉

得變之正故不言石碣以許之也

還復

公羊云還善辭也比復為善也穀梁云還者事未畢復

者事畢文正倒也當為還者事畢復者事未畢師還在

八年公還自晉文三年歸父還自晉宣十年士匄聞齊侯卒

乃還襄九年皆不當更往又並合禮故曰還事畢也善辭

也公如晉至河乃復昭二十三年公如晉至

京師不至而復在文八年仲遂至黃乃復在宣八年皆

事未畢而復也故知穀梁之說例倒也

求告乞

求者得未得未可知也求購求車之類乞者亦然而又重辭乞

盟乞師皆可重故特曰乞重辭是也告糴不言乞者以

用財置之彼此有利不比乞師乞盟也

獻錫界假

獻獻上也之類錫錫下也來錫公界與也執曹伯八年

人謂非上非下者也三者據尊卑言之錫三者謂獻假借

也鄭伯以璧謂易田遜辭也

得獲克

用力禽之曰獲獲人之類也獲獸是也非用力禽之曰

得得寶玉是也在定九年克段于鄆在隱元年能破之也不克納

文十四年晉人納捷蓄于邾不克納不克葬宣八年我小君皆謂不成

納不成葬也左氏曰得雋曰克春秋意在辨邪正豈論

雋哉

不辭

之乃而之類皆辭俗謂之穀梁云之于緩辭也之口緩

辭也乃亡乎人之辭也而緩辭也穀梁迂僻之甚且之

但以便蔽而言何有緩辭乎執衛侯歸之于京師義見

十八亦從強說至于郊牛之口日有食之殺之用之之

類豈得辭稱緩辭乎故皆不足從也若言乃難于而宣八

敬羸則云日中而葬定十五年則是也又曰既者盡而

有繼之辭日有食之既且者兼之之辭歸是也且此說並通故用之也

出來歸入納取

凡出者自國而出來者自外而來此並據事實書之其邪正各隨事之是非不以此二字為褒貶也唯天子及周大夫出即以書出為貶王者無外故也以出為唯內女不當歸寧禮父母沒不則書來以示貶男女之禮合禮者不書故也常事既不書書即為貶故知歸字其義亦

非一諸侯及大夫反國者有歸與復歸之義見歸內女

歸於外亦曰歸三傳並云婦外將物與我亦曰歸使宰

咄來歸惠公仲子之賄齊人來我將物與外亦曰歸歸

于蔡諸侯用兵破敵國將其君同還亦曰歸莊十年荆

以蔡侯除諸侯歸入之外諸事各以本事為邪正見本

例不以歸字為褒貶也入字亦有數諸侯反國有入與

復入之義見歸用兵入敵國亦曰入見用故入者多非

善也庚寅我入邠隱八亦不可入也紀季以御入于齊

莊三 既不可言叛故言入亦明非正所以罪齊也而書

季以明季之無罪天子入于成周記其自外而入不同

諸侯之取義見歸入例中取字已見用兵例自此之外有取部

大鼎于宋桓二齊人取子糾殺之莊九亦並不當取也

以前字並為交互涉嫌故分析之其他不足疑者不復

論也初者遂以為常也初獻六羽初稅畝之類是也作

者皆不宜作也新作南門作僖公主是也致者不宜致

也用致夫人如宋致女是也常事曰視視朔是也非常

曰觀觀魚觀社是也如此之類並無交互所以更不復

悉舉之也凡以者不宜以也用者不宜用也立者不宜

立也略舉數字觸類皆然此並為春秋省文以一字為

褒貶合禮者則常事不書故凡此等皆以示譏耳此止

施于春秋義例之內不可徧求之于五經也學者宜知

之

春秋集傳纂例卷八



[Faint bleed-through text from the reverse side of the page, including characters like '春秋', '集傳', and '纂例']

